

Svar

heilbrigðisráðherra við fyrirspurn frá Birni Leví Gunnarssyni um áverka eftir hund.

1. *Hversu margir hafa árlega leitað til læknis síðustu fimm ár vegna áverka eftir hund?*

Ekki eru til heildstæðar upplýsingar á landsvísi um fjölda einstaklinga sem leita til læknis árlega vegna áverka eftir hund.

Í tengslum við þessa fyrirspurn var leitað upplýsinga hjá sjúkrahúsum og heilbrigðisstofnunum landsins sem sinna slysamóttöku. Eftirfarandi upplýsingar um fjölda einstaklinga, sem leituðu þjónustu vegna áverka eftir hund undanfarin fimm ár, fengust frá Landspítala, Sjúkrahúsinu á Akureyri, Heilsugæslu höfuðborgarsvæðisins, Heilbrigðisstofnun Vesturlands, Heilbrigðisstofnun Vestfjarða, Heilbrigðisstofnun Austurlands, Heilbrigðisstofnun Suðurlands og frá Heilbrigðisstofnun Suðurnesja. Heilbrigðisstofnun Norðurlands hafði ekki tók á að nálgast þessar upplýsingar úr sjúkraskrá innan þess tíma sem veittur var til svara.

	2013	2014	2015	2016	2017	Samtals
Landspítali	10	16	11	22	12	71
Sjúkrahúsið á Akureyri	5	6	11	10	12	44
Heilsugæsla höfuðborgarsvæðisins	39	36	27	37	53	192
Heilbrigðisstofnun Vesturlands	11	17	7	5	13	53
Heilbrigðisstofnun Vestfjarða	3–4*	3–4*	3–4*	3–4*	3–4*	15–20*
Heilbrigðisstofnun Norðurlands						
Heilbrigðisstofnun Austurlands	17**	25**	12**	19**	25**	98**
Heilbrigðisstofnun Suðurlands	21***	26***	23***	34***	17***	121***
Heilbrigðisstofnun Suðurnesja	29	34	29	28	24	144

* Áætlaðar tölur samkvæmt upplýsingum frá framkvæmdastjóra lækninga á Heilbrigðisstofnun Vestfjarða.

** Tíðni dýrabita sem falla undir greininguna ICD-10 T14.1 í sjúkraskrá. Ekki er unnt að greina í tölfraðigögnum af völdum hvaða dýrategundar bitin eru.

*** Tíðni dýrabita sem falla undir greininguna ICD-10 T14.1 Dýrabít og greininguna W54 Bitinn af hundi.

2. *Hverjir eru verkferlar ef einstaklingur leitar til læknis með áverka eftir hund?*

Heilbrigðisstofnanir og sjúkrahús eru ekki með sérstaka verkferla vegna áverka af völdum hunda. Almennt er verkferlum fylgt sem gilda um öll slys og viðbrögð fara eftir eðli og alvarleika áverkans. Slysum er forgangsraðað við komu eftir alvarleika og viðeigandi meðferð er veitt í samræmi við eðli áverkans hverju sinni.

Almennt gildir um sáramedferð, og þar með talið hundabít, að hugað er að hreinsun sára, að því að fyrirbyggja sýkingu og að veita viðkomandi einstaklingi ráðgjöf um meðferð og eftirfylgni með áverkanum. Metið er hvort sýklalyfjamedferð og/eða stífkrampabólusetning er nauðsynleg og viðeigandi lyf gefin ef þörf er talin vera á því.

Haft er samband við lögreglu ef ástæða er til, sbr. svar við 3. tölul. fyrirspurnarinnar.

3. Hvaða upplýsinga er aflað um atburðinn í slíkum tilvikum?

Ekki eru samræmdir verkferlar á landsvísi um upplýsingaöflun varðandi áverka eftir hund.

Samkvæmt upplýsingum frá sjúkrahúsum og heilbrigðisstofnunum landsins sem sinna slysa-móttöku er aflað upplýsinga um atvikið og þær skráðar í sjúkraskrá viðkomandi ásamt upplýsingum um meðferð og ráðlagða eftirfylgni. Það á við um öll slys, þ.m.t. áverka eftir hund.

Íðulega er spurt hvort atvikið hafi verið tilkynnt til lögreglu, og slíkt ráðlagt, ef skjólstæðingur er ekki eigandi hundsins. Ef um eiganda er að ræða er rætt um áhættu af því að halda dýr sem bítur.

Á Landspítala er viðhöfð stöðluð slysaskráning á svokölluðu NOMESCO-eyðublaði, þar sem aflað er upplýsinga um staðsetningu og kringumstæður slysa. Einnig er skráð orsök áverka og þar er skráður áverkni eftir bit af völdum hunda eða þess dýrs sem um er að ræða. Annað sem viðkemur atvikinu er skráð í sjúkraskrá á sama hátt og önnur slys, svo sem niðurstaða læknisskoðunar, hvaða meðferð er veitt í hverju tilviki og hvort og hvaða eftirlit fylgir í kjölfarið.

4. Eru áverkarnir flokkaðir eftir alvarleika?

Samkvæmt upplýsingum frá Landspítala, Sjúkrahúsinu á Akureyri og heilbrigðisstofnunum landsins er ekki viðhöfð nein sérstök flokkun á áverkum eftir hund á stofnunum, en áverkum er lýst í sjúkraskrá.

Á bráðamóttökum hérlendis er víða notast við forgangsflokkunina *Emergency Severity Index* þegar sjúklingur kemur á bráðamóttöku, en það er almennt forgangsflokkunarkerfi.

Á Landspítala fá öll slys alvarleikaskor út frá því hvaða sjúkdómsgreining er skráð við komuna. Alvarleikaskorin eru sjö: Enginn, lítill, meðal, mikill, alvarlegur, lífshættulegur, deyr. Undanfarin fimm ár voru flestir sem komu á spítalann vegna áverka eftir hund með það litla áverka að alvarleiki þeirra var talinn „enginn“ eða „lítill“. Á þessu fimm ára tímabili voru sjö af þeim einstaklingum, þar sem einhver skráning um hund kom fyrir, með áverkaflokkinn „meðalalvarleika“, en dæmi um áverka í þeim flokki eru tognun, ristarbrot og handleggsbrot.